



Broj: 01/1-50-1-1-91/10  
Sarajevo, 1.2. 2010. godine

## Z A P I S N I K

### 91. sjednice Ustavnopravne komisije

Sjednica je održana 1. 2. 2010., s početkom u 10 sati.

Sjednici su prisustvovali članovi Komisije: Šefik Džaferović, Adem Huskić, Velimir Jukić, Lazar Prodanović, Drago Kalabić, Martin Raguž, Halid Genjac i Momčilo Novaković.

Osim članova Komisije, sjednici su prisustvovali predstavnici: Ministarstva pravde BiH Jusuf Halilagić i Milana Popadić, Ministarstva saobraćaja i komunikacija BiH Kojo Koprivica, USAID-a Nedim Hogić, Instituta za intelektualno vlasništvo BiH Lidija Vignjević, Ureda za razmatranje žalbi Amir Pilav, Agencije za javne nabavke BiH Đinita Fočo, Agencije za zastupanje i zaštitu autorskih prava „Sine qua non“ Mirza Hajrić i Samir Sofo, iz Zakonodavno-pravnog sektora PSBiH Aida Kreho te iz Sektora za odnose s javnošću PSBiH Zoran Brkić.

Sjednici su prisustvovali sekretar Komisije Igor Bajić i stručni savjetnik u Komisiji Nedžad Salman.

Nakon rasprave, Komisija je jednoglasno usvojila sljedeći

### D N E V N I R E D

1. Usvajanje Zapisnika 90. sjednice Ustavnopravne komisije, održane 18.1.2010.;
2. Prijedlog zakona o radnom vremenu, obaveznom odmoru mobilnih radnika i uređajima za evidentiranje u drumskom saobraćaju, predlažać: Vijeće ministara Bosne i Hercegovine – skraćeni zakonodavni postupak - **(usklađenost sa Ustavom Bosne i Hercegovine i pravnim sistemom Bosne i Hercegovine, u skladu s članom 103. Poslovnika Doma);**
3. Prijedlog zakona o izmjenama i dopunama Zakona o osnovama sigurnosti saobraćaja na putevima u Bosni i Hercegovini, predlažać: Vijeće ministara Bosne i Hercegovine **(usklađenost sa Ustavom Bosne i Hercegovine i pravnim sistemom Bosne i Hercegovine, u skladu s članom 103. Poslovnika Doma);**
4. Prijedlog zakona o obligacionim odnosima, predlažać: Vijeće ministara Bosne i Hercegovine **(usklađenost sa Ustavom Bosne i Hercegovine, pravnim sistemom Bosne i Hercegovine i principi prijedloga zakona, u skladu s članom 103. i članom 104. Poslovnika Doma);**
5. Prijedlog zakona o autorskim i srodnim pravima, predlažać: Vijeće ministara Bosne i Hercegovine **(usklađenost sa Ustavom Bosne i Hercegovine, pravnim sistemom Bosne i Hercegovine i principi prijedloga zakona, u skladu s članom 103. i članom 104. Poslovnika Doma);**
6. Prijedlog zakona o kolektivnom ostvarivanju autorskih i srodnih prava, predlažać: Vijeće ministara Bosne i Hercegovine **(usklađenost sa Ustavom Bosne i Hercegovine, pravnim sistemom Bosne i Hercegovine i principi prijedloga zakona, u skladu s članom 103. i članom 104. Poslovnika Doma);**
7. Ostala pitanja:
  - Prijedlog prečišćenog teksta Izbornog zakona Bosne i Hercegovine **(razmatranje i utvrđivanje prečišćenog teksta zakona u skladu sa članom 41. stav (1) tačka i) Poslovnika Doma);**
  - Zahtjev za autentičnim tumačenjem člana 52. stav (6) tačka a) Zakona o javnim nabavkama („Službeni glasnik BiH“, br. 49/04,19/05,52/05,8/06, 24/06, 70/06), podnosioci: Agencija za javne nabavke Bosne i Hercegovine i Ured za razmatranje žalbi **(razmatranje Prijedloga zakona o izmjeni Zakona o javnim nabavkama na osnovu zaključka sa 90. sjednice Komisije);**
  - Zahtjev za autentičnim tumačenjem pojedinih odredbi Zakona o carinskoj politici („Službeni glasnik BiH“, br. 57/04,51/06 i 93/08) , podnosilac: Uprava za indirektno oporezivanje Bosne i Hercegovine **( razmatranje zahtjeva u skladu sa članom 137. stav (4) Poslovnika Doma);**

- Zahtjev za autentičnim tumačenjem člana 1. stav (5). Zakona o zrakoplovstvu Bosne i Hercegovine, ("Službeni glasnik BiH", br. 2/04 i 13/03), podnosilac: Ministarstvo sigurnosti Bosne i Hercegovine (**razmatranje zahtjeva u skladu sa članom 137. stav (4) Poslovnika Doma**);
- Prijedlog plana rada Ustavnopravne komisije za 2010. godinu (**razmatranje prijedloga u skladu sa članom 41. stav (2) Poslovnika Doma**).

#### **Ad.1. Usvajanje Zapisnika 90. sjednice Ustavnopravne komisije, održane 18.1.2010.**

S obzirom da nije bilo rasprave, Komisija je jednoglasno usvojila Zapisnik 90. sjednice.

#### **Ad.2. Prijedlog zakona o radnom vremenu, obaveznom odmoru mobilnih radnika i uređajima za evidentiranje u drumskom saobraćaju, predlažać: Vijeće ministara Bosne i Hercegovine – skraćeni zakonodavni postupak (usklađenost sa Ustavom Bosne i Hercegovine i pravnim sistemom Bosne i Hercegovine, u skladu s članom 103. Poslovnika Doma)**

Komisija je, nakon rasprave, jednoglasno utvrdila da:

- postoji valjan ustavnopravni osnov za donošenje ovog zakona;
- je Prijedlog zakona usklađen sa Ustavom Bosne i Hercegovine i pravnim sistemom Bosne i Hercegovine.

#### **Ad.3. Prijedlog zakona o izmjenama i dopunama Zakona o osnovama sigurnosti saobraćaja na putevima u Bosni i Hercegovini, predlažać: Vijeće ministara Bosne i Hercegovine (usklađenost sa Ustavom Bosne i Hercegovine i pravnim sistemom Bosne i Hercegovine, u skladu s članom 103. Poslovnika Doma)**

Komisija je, nakon rasprave, jednoglasno utvrdila da:

- postoji valjan ustavnopravni osnov za donošenje ovog zakona;
- je Prijedlog zakona usklađen sa Ustavom Bosne i Hercegovine i pravnim sistemom Bosne i Hercegovine.

#### **Ad.4. Prijedlog zakona o obligacionim odnosima, predlažać: Vijeće ministara Bosne i Hercegovine (usklađenost sa Ustavom Bosne i Hercegovine i pravnim sistemom Bosne i Hercegovine i principi Prijedloga zakona, u skladu s članom 103. i članom 104. Poslovnika Doma)**

Komisija je nakon rasprave, s četiri glasa „za“, bez glasova „protiv“ i tri „suzdržana“ glasa, utvrdila da:

- postoji valjan ustavnopravni osnov za donošenje ovog zakona;
- je prijedlog zakona usklađen sa Ustavom Bosne i Hercegovine i pravnim sistemom Bosne i Hercegovine.

Ustavnopravna komisija je, s četiri glasa „za“, tri glasa „protiv“ i bez „suzdržanih“ glasova, prihvatila principe Prijedloga zakona o obligacionim odnosima.

#### **Ad.5. Prijedlog zakona o autorskim i srodnim pravima, predlažać: Vijeće ministara Bosne i Hercegovine (usklađenost sa Ustavom Bosne i Hercegovine i pravnim sistemom Bosne i Hercegovine i principi prijedloga zakona, u skladu s članom 103. i članom 104. Poslovnika Doma)**

Predsjedavajući je otvorio raspravu u kojoj su učestvovali članovi Komisije: Adem Huskić, Šefik Džaferović i Velimir Jukić i predstavnica Instituta za intelektualno vlasništvo Bosne i Hercegovine Lidija Vignjević.

Komisija je, nakon rasprave, jednoglasno utvrdila da:

- postoji valjan ustavnopravni osnov za donošenje ovog zakona;

- je Prijedlog zakona usklađen sa Ustavom Bosne i Hercegovine i pravnim sistemom Bosne i Hercegovine.

Ustavnopravna komisija je jednoglasno prihvatila principe Prijedloga zakona o autorskim i srodnim pravima.

**Ad.6. Prijedlog zakona o kolektivnom ostvarivanju autorskih i srodnih prava, predlagač: Vijeće ministara Bosne i Hercegovine (usklađenost sa Ustavom Bosne i Hercegovine i pravnim sistemom Bosne i Hercegovine i principi prijedloga zakona, u skladu s članom 103. i članom 104. Poslovnika Doma)**

Komisija je, nakon rasprave, jednoglasno utvrdila da:

- postoji valjan ustavnopravni osnov za donošenje ovog zakona;
- je Prijedlog zakona usklađen sa Ustavom Bosne i Hercegovine i pravnim sistemom Bosne i Hercegovine.

Ustavnopravna komisija jednoglasno je prihvatila principe Prijedloga zakona o kolektivnom ostvarivanju autorskih i srodnih prava.

**Ad.7. Ostala pitanja:**

- **Prijedlog prečišćenog teksta Izbornog zakona Bosne i Hercegovine (razmatranje i utvrđivanje prečišćenog teksta zakona u skladu s članom 41. stav (1) tačka i) Poslovnika Doma)**

Komisija je, nakon rasprave, jednoglasno usvojila Prijedlog prečišćenog teksta Izbornog zakona Bosne i Hercegovine te zadužila sekretarijat da Prijedlog prečišćenog teksta zakona dostavi Ustavnoj komisiji Doma naroda.

- **Zahtjev za autentičnim tumačenjem člana 52. stav (6) tačka a) Zakona o javnim nabavkama („Službeni glasnik BiH“, br. 49/04,19/05,52/05,8/06, 24/06, 70/06), podnosioci: Agencija za javne nabavke Bosne i Hercegovine i Ured za razmatranje žalbi (razmatranje Prijedloga zakona o izmjeni Zakona o javnim nabavkama na osnovu zaključka sa 90. sjednice Komisije)**

Predsjedavajući je otvorio raspravu u kojoj su učestvovali predstavnici Ureda za razmatranje žalbi Amir Pilav i Agencije za javne nabavke Bosne i Hercegovine Dinita Fočo, predsjedavajući Šefik Džaferović i sekretar Komisije Igor Bajić.

Komisija je, nakon rasprave, jednoglasno odlučila:

- da sekretarijat Ustavnopravne komisije i predstavnici Agencije za javne nabavke Bosne i Hercegovine i Ureda za razmatranje žalbi održe sastanak i konsultiraju se s predstavnicima Ministarstva pravde Bosne i Hercegovine u vezi s ovim prijedlogom zakona;
  - da će Prijedlog zakona o izmjenama i dopunama Zakona o javnim nabavkama biti razmatran na sljedećoj sjednici Komisije.
- **Zahtjev za autentičnim tumačenjem pojedinih odredbi Zakona o carinskoj politici („Službeni glasnik BiH“, br. 57/04,51/06 i 93/08) , podnositelj: Uprava za indirektno oporezivanje Bosne i Hercegovine ( razmatranje zahtjeva u skladu sa članom 137. stav (4) Poslovnika Doma)**

Nakon rasprave, Ustavnopravna komisija jednoglasno je ocijenila da su odredbe člana 176. stav (5), člana 13. st. (1) i (2) tač. (a) i (b), te člana 29. st. (1) i (4) Zakona o carinskoj politici u vezi s članom 79. Zakona o carinskoj politici jasne i da ih nije potrebno tumačiti.

- **Zahtjev za autentičnim tumačenjem člana 1. stav (5) Zakona o zrakoplovstvu Bosne i Hercegovine, ("Službeni glasnik BiH", br. 2/04 i 13/03), podnosilac: Ministarstvo sigurnosti Bosne i Hercegovine (razmatranje zahtjeva u skladu sa članom 137. stav (4) Poslovnika Doma)**

Nakon rasprave, Ustavnopravna komisija jednoglasno je ocijenila da se zahtjev, koji je podnijelo Ministarstvo sigurnosti Bosne i Hercegovine - Granična policija Bosne i Hercegovine, ne odnosi na autentično tumačenje nedovoljno jasne odredbe zakona nego na praktičnu primjenu odredbi Zakona o zrakoplovstvu Bosne i Hercegovine.

- **Prijedlog plana rada Ustavnopravne komisije za 2010. godinu (razmatranje prijedloga u skladu sa članom 41. stav (2) Poslovnika Doma)**

Komisija je, nakon rasprave, odlučila da će Prijedlog plana rada Ustavnopravne komisije za 2010. godinu biti razmatran na sljedećoj sjednici.

S obzirom da nije bilo više pitanja, sjednica je završena u 11,30 sati.

**SEKRETAR KOMISIJE**  
**Igor Bajić**

**PREDSJEDAVALAČI KOMISIJE**  
**Šefik Džaferović**